



Broj: 37/13.

Sarajevo, 06.02.2013. godine

- **EKONOMSKO SOCIJALNO VIJEĆE FBiH**
- **UDRUŽENJE POSLODAVACA FBiH**

Predmet: Inicijativa za donošenje Zakona o komunalnoj privredi
na nivou Federacije BiH

Poštovani,

Udruženje/Udruga poslodavaca komunalne privrede u Federaciji BiH, je permanentno razmatralo stanje i problematiku poslovanja javnih komunalnih preduzeća u FBiH. Ocijenjeno je da se ekonomski položaj javnih komunalnih preduzeća iz godine u godinu stalno pogoršava, te da zakoni o komunalnoj privredi nisu doneseni u svim kantonima ili su prepisivani oni predratni, ili se ne primjenjuju, što ne pruža adekvatan pravni okvir za poslovanje komunalnih preduzeća.

Stoga je Udruženje/Udruga zauzelo stav da je krajnje vrijeme da se hitno preduzmu aktivnosti na predlaganju potrebnih zakonskih mjera i suštinsku promjenu ambijenta u kojem posluju javna komunalna preduzeća, u smislu **standardizacije propisa i jednoobraznog predlaganja rješenja iz komunalnu privredu na prostoru FBiH.**

Važno je istaći da niti jednim propisom, pa ni starim Zakonom o komunalnim djelatnostima nije riješeno pitanje osnovnih principa i neophodnih minimalnih uslova za obavljanje komunalne djelatnosti. Zakon o komunalnim djelatnostima SR BiH (Službene novine SRBiH 20/90) je zastario u smislu društvenih promjena i savremenih normi, a i sa aspekta društvenopolitičkog i pravnog ustrojstva.

Donošenjem novog zakona bili bi regulisani osnovni principi komunalne privrede, te prava i obaveze javnih komunalnih preduzeća i njihovih osnivača, a sve u cilju izjednačavanja kriterija i propisa na osnovu kojih bi osnivači komunalnih preduzeća mogli donijeti podzakonske akte kojim će bliže regulisati opšte uslove za obavljanje komunalnih djelatnosti.

Osnivači javnih komunalnih preduzeća u Federaciji BiH su obavezni obezbijediti funkcionalno pružanje komunalnih usluga u svojim sredinama.

Zbog dugogodišnjeg neulaganja sredstava u ovu oblast i neekonomske cijene komunalnih usluga, trenutna situacija u komunalnoj privredi je vrlo teška, a Osnivači „kupuju socijalni

mir“ preko komunalne privrede, jer cijene komunalnih usluga dugi niz godina nisu realno utvrđene, niti mogu pokriti osnovne troškove poslovanja javnih komunalnih preduzeća.

Trenutno postoji vrlo šarolik pristup rješavanju različitih pitanja iz ove oblasti, a naročito u pogledu utvrđivanja stvarne cijene koštanja komunalne usluge.

Zato postoji opravdana potreba da se federalnim zakonom utvrde osnovni parametri za utvrđivanje stvarne cijene koštanja, kao i da se reguliše formiranje neovisnog stručnog tijela (regulatorna komisija) u čijoj nadležnosti će biti ovo pitanje.

Istaknuta je naročita potreba da se u sklopu ovih rješenja riješi i pitanje efikasnije naplate za komunalne usluge, usvajanjem propisa kojim bi se reagulisalo uspostavljanje jedinstvene baze podataka, uskraćivanje prava korisnicima-neplatišama, (prenos vlasništva na nekretninama, registracija vozila, i sl.), ako nisu izmirili dugovanja prema javnim komunalnim preduzećima.

Na XII Skupštini Udruženja/Udruga poslodavaca komunalne privrede u F BiH, održanoj 03.10.2012. godine u Zenici, usvojen je konačan tekst radnog materijala Zakona o komunalnoj privredi u Federaciji BiH.

Članice su jednoglasno podržale inicijativu za upućivanje u proceduru i konačno donošenje ovog propisa.

Očekujemo da ćete realno sagledati prednosti i obostranu korist donošenja ovog Zakona, u smislu standardizacije propisa i jednoobraznog predlaganja rješenja.

S poštovanjem,

PREDSJEDNIK UPRAVNOG ODBORA
UDRUŽENJA/UDRUGE

Babić Selim, dipl.ing.građ.

Prilog:

Radni materijal Zakona o komunalnoj privredi u FBiH

